

xpus hat zwo ander vrsach vffserhung ge-  
 hept in sinem gemüt. Die erste vff die gros-  
 se der sind. Die ander vff die vile der sind.  
 Dar vmb hat er in siner sel so vil gelitten  
 von der ubertretung die zu verdampne wo-  
 ren so grofs dan was die menge vnd vile  
 der sind. Nun ist es ein schwer vnsagliche  
 ding vmb ein einigte tod-sind dar vmb tu-  
 sent lib solten sterben ce si volbrocht solt  
 werden. wie ist es dan vmb so vil vrsach-  
 her vnbegriffenlicher tod-sind die in in siner  
 sel alle bekant sint gesin. dan zu einer ver-  
 lichen tölichen verschuldung hat sin schmerz  
 ein befunder vffsehen gehan. Nun ist ein  
 verlich tod-sind die gnod des ewige ruchs  
 abtalen vnd verliere dar vmb hat er für  
 so vil tod-sind gelitten vnd die abgetilget  
 so vil die gröfse vnd vile der tod-sind das  
 ruch der gnoden abgetilget hat. nun die  
 wil er wesentlich die gnod ist vnd von dem  
 heiligen geist empfangen dar vmb hat er re-  
 lich tod-sind gebasset als ein zerstorern  
 der gnoden. dar vmb er mensch worden ist  
 vnd so er kome ist als ein bezaler aller vn-  
 ser schulden vnd als ein erlöser von der ewi-  
 gen pin. Dar vmb hat er für ein verliche tod-  
 sind gelitten so vil got dar durch erzürnet  
 ist worden. das siner gerechtikeit gnüg gesche-  
 he. dan die vnbeglich gerechtikeit gottes er-  
 forschet das das in sinem sin gantz vnd gar  
 vnd vollkommenlich ein gnüg thun beschehe ds  
 si beid vund gereet in gerechtikeit vnd barm-  
 hertikeit. ¶ Zwo ander vrsach war-  
 vmb das liden trich vnbegriffenlich ist. xpus  
 vnser her hat in siner sel gehept zwo ander  
 vffserhung. Die erste vffserhung was zu der  
 glorie vnd frönd der seligen. Die ander was

vff die werung vnd vneutlicheit solicher frönd.  
 Dar vmb hat vnser her Ihesus xpus so vil ge-  
 litten in siner sel wie vil er erkant hat von so-  
 licher glorie vnd ewiger frönd vff geschlossen sin  
 durch die sind. vnd so dorlicher er gewüßt hat  
 für die die sich der beroubt hand vnd beroubten  
 wurden bis an den letzten dag. Dar vmb an-  
 brosius spruch soliches ist in ein teurikeit gesin  
 mer sin dan sin eige liden. werte was vnschatz-  
 berlicher liebe in mi gewesse si das er für vnss  
 sine vngend on sine nutz so vnußprechlich pin  
 hat wollen liden. ¶ Zwo ander vrsach xpus  
 der sin gottes hat zwo ander vffserhung gehan  
 in sinem gemüt. Die erste vffserhung het er vff  
 die pin der verdampnen. Die ander vffserhung was  
 zu dem hafs zwischen got vnd dem sinder der  
 verdampnt sol werden. Soliche beid vffserhung  
 hand dem herre in siner sel so vil schmerzen in  
 liden gebracht vnd die ewilich verdampnt sond wer-  
 den vnd gereütiget werden. vnd hat auch so grofs  
 liden gehept in siner sel wie grofs dan was der  
 zorn vnd hafs zwischen sinem vatter vnd sine  
 vngenden. soliches liden mag kein engel noch me-  
 sche betrachten merck die grofse liebe dms erlöfers.  
 ¶ Zwo ander vrsach vnd die letzten zwo ander vff-  
 serhung hat xpus vnser her in siner sel gehept. Die  
 erste die verdienung siner aller heiligsten lidens.  
 Die ander vffserhung hat er gehept zu der frucht  
 siner aller heiligsten erützes dar vmb hat er so  
 vast in sinem gemüt gelitten das er von des me-  
 schen wegen nit lenger solt gepinget werden die  
 wil er verstand das durch sin liden so vil verdie-  
 nen was. vnd in dem so er verstand vnd erkant  
 das vff sinem verdien vil frucht gemeret wur-  
 den vnd so er des in in ein teurikeit vnd lide hat.  
 Dar vmb verdient er vff sollicher liebe zu sinem  
 nachsten das sin liden vor sinem vatter so frucht